

友石齋詩

三集第一卷



三集

三集

吳廷棟題



同治六年
丁卯夏刊

古民先生稱詩江浙垂四十年矣江浙人奉爲主
臬前所編初二集十六卷諸前輩均有題序遭粵匪
之亂遺失其半所存之半卽擬補編付刊今又以三
集近作見示蒼勁沈雄絕似少陵夔州以後手筆
祖家與先生世交且光祖少時在外舅處夙聞先生
緒論茲雖備位史官又何能測先生之淵微哉同治
旃蒙赤奮若陬月世愚姪山陰周光祖識

太白齋詩三集

序

友石齋詩三集卷一

仁和 高錫恩 古民

辛酉至壬戌八月

舟泊上蔣村

連山青不斷曠野碧無塵驟雨欺孤客扁舟急晚津
村墟烟競起鷗鳥意相親疑是桃源路何時可卜鄰
喜抱山子容兩姪見過

經年不相值亂後別離長易墮花前淚誰同月下觴
今晨喜得見發興竟疑狂笑指青山近

子近寓會稽桑盆村十餘

友石齋詩三集

卷一

里外有山名青山 晴當共鶴翔

次前韻送諸姪還杭

海氣粘天濶溝塍夾路長兵塵方滿地村酒且飛觴
老去頻添感愁來畧減狂看迴江上棹隻影歎孤翔
得魏滋伯書卻寄

亂後傳來片紙書交親消息渺愁予倉皇出走思前
度患難同經歎索居天地有時開殺伐江湖只合戀
樵漁盈盈一水如衣帶悵望悲吟日莫餘

贈范麗生

吾愛范公子翩翩越地英雅懷真可挹畫筆早蜚聲
不少登山興時餘弔古情乾坤滿荆棘能否請長纓

喜雨

赤電忽照戶疾雷穿畫堂未求十畝熟先覺一身涼
困阨蘇黎庶仁慈仰上蒼何當洗兵馬從此靖戈鋌
夏末偕金少伯侍讀徐藹卿廣文茶庵姪小飲

作

大暑尙未退閉門紅日中清談四客共薄酒一樽同
喪亂何時已艱虞未有窮暨陽危又甚愁絕浙江東

友石齋詩三集

卷一

二

立秋前一日

好風兼好雨涼氣颯然來病骨迎秋健愁顏對酒開
干戈何日止節序逐時催老矣居難定瞻空首重回

七月十六夜偕茶庵姪暨兒子

驂麟雲麟

觀月

白雲如絮鋪長空月光穿雲雲玲瓏西南閃電倏明
滅牆頭老樹時搖風越中秋月看三度皎皎清輝足
幽趣今年更向海邊看水色山光共回互乾坤日日
森戈矛兵氣貫月月亦愁夜深擬向姮娥問天上攬
槍何日休

吳小菊

嘉賢

招集宋氏宅

秋後漸無暑嫩涼朝夕生嘉招愜素願斗室足幽情
兵火危身世江山供鬥爭茫茫空百感且合醉瑤觥
題韓季仙公子停琴伴月圖

焦桐不獨彈緣綺宜並撫姮娥在天際流盼向人覩
英年雋公子七弦新按譜要待清光來袖手詎輕鼓
涼秋八月桂蕊黃月色窈窕琴鏗鏘花前試奏霓裳
曲定有雙聲學鳳皇

茶庵賢阮言在臨江寓見龍掛尾余因憶前歲

友白齋詩三集

卷一

三

王生談海中見龍事漫賦此篇

黑雲低壓天蒼莽江水陡立雲之上乖龍游戲露鱗
甲江風颯颯波震盪龍身一半埋雲端頭角杳渺無
從觀龍尾下垂徑數尺射人已覺心膽寒我因茶夢
言茶庵自稱
茶夢生遂思王生語海中一葉曾容與龍宮有

龍龍忽舞萬片金光向舟吐衆目盡盲不敢覩風雷
齊起無避所耳畔有如萬面鼓百神卻走萬靈俯龍
兮龍兮孰敢侮至今魂夢猶恐恒吁嗟王生氣未豪
近龍何不將龍招參龍御龍古有術騎龍直可登紫

青年來海內多艱晚四野玄黃苦流血龍尾應須學
管甯涉世知君最明哲

志王八月十六夜小集小菊有詩因亦賦此

桂花香裏晚風秋積雨閒階水暗流銀燭自明欄檻
畔月輪微露樹梢頭更深各有憂時念韻逸思爲出
世謀牢落心情人散後夜闌欹枕數更籌

夜登海舟

千里程途瞬息經御風此日快揚舲自身以外惟餘
水舉手長空可摘星蛟鱷夾舟噓蜃氣鯤鵬展翅戲
友石齋詩三集卷一四
滄溟壯遊眼底真奇絕莫笑書生戶只局

移家至上海

又作移家計棲遲黃浦灘一門團聚易八口飽溫難
居處民夷雜邊隅節候寒鄉園回首望兵氣貫雲端

書懷

醉裏言愁始欲愁棲枝未定孰爲謀祖生擊楫空餘
志王粲依人且上樓海氣夜迷歸夢遠鄉心朝逐旅
萍浮身家何限流離感如此天涯易白頭

喜逢龔孝拱

橙

豪氣塞滄海奇情動遠夷頻年成間隔此夕慰相思
旅鬢慚衰謝殘冬逼亂離驚聞鄉國信各有涕漣而

垂老

垂老逢憂萬事空行踪海上嘆飄蓬鼓聲已絕之江
畔旗影猶橫太白東大雪亘天迷去雁殘黎滿地泣
饑鴻唾壺擊缺無窮恨辜負平生氣吐虹

鄒君蓉閣前年在同里殺賊奪賊大旗爲妾製
裙辛酉中秋典裙糴米有詩紀事因亦賦此

刀光如雪來吳江賊兵疾下橫衝撞大旗懸空長丈

友石齋詩三集

卷一

五

五軒舉有似都盧撞鄒君率衆期殺敵奮勇直前初
奪得未要矜將露布書且付閨中耀裙褶吁嗟乎英
雄兒女難合并今君一旦能兼營騷客由來多戰績
軍功自足悅傾城銀蟾輝輝恰三五質庫收藏奈何
許天上姮娥正有情人間佳耦宜雙語君不見洗夫
人殺賊自集孃子軍又不見秦良玉駿馬繡旗紅一
簇婦人俠烈卽鬚眉取義在人非碌碌讀君詩爲君
歌知君忠憤胸中羅卽今將帥誰諸葛巾幗應嗤司
馬多

殉友詩

仁和盧君尺木有友為賊所獲盧跋涉數十

里往探欲與偕遁賊覺之俱被戕余美其義

因弔以詩

披肝探虎穴倚劍入龍潭為友捐軀壯成仁報國甘
魂猶懸血淚心夙禮瞿曇似爾輕生死倫常信不慙

花朝與蓉閣酒樓小飲

又是春風淡蕩天海濱光景逐時鮮隔江烽火猶頻
動着雨林花枉自妍社燕未來人作客柳鶯欲囀水

友石齋詩三集

卷一

六

生煙遲他何遜樓頭聚共對寒梅一惘然

是日訪何君梅屋未

值

上巳日何梅屋

詠

招同家伯平

均儒

小飲

採薺風光到眼新桃花如笑正當春直疑洛水逢佳
節不獨長安有麗人黃浦浮觴成雅會良朋聯袂話
前因子與伯平不見數年梅屋與伯平亦相別經年矣那堪回首蘭亭路狐
兔縱橫滿棘榛

贈姚韜菴比部

兵火鄉園劇可悲兩峯入望已迷離忠懷北闕常

縈戀講席西泠舊主持蘇武堅貞窮後著少陵辛苦
賊中馳相逢喜在申江畔還話紅亭昔會時

孝拱邀同楊利叔

象濟小飲

同是天涯作客身故鄉回首淚沾巾雄豪夙具飛揚

氣

謂孝拱

博雅端推蘊藉人

謂利叔

宇宙才生原有數乾

坤萍合豈無因兩君各抱匡時略廊廟應須此異珍

韜菴比部以海上雜詩四首見示卽次原韻

本是京朝執法官偶來海上暫身安天衢鳳錦摛文

易人世羊腸涉路難魂夢驚心鄉國破旌旗滿眼客

友石齋詩三集

卷一

七

中看不嫌半幅吳淞水砥柱江南要藉完

枉說如林猛士多浦東黎庶泣干戈詎宜酒盞聽鶯

燕貴有軍聲起鴨鶩盜賊忽來窺近野吾人無策且

狂歌救援幸藉元戎力已見雄師作隊過

江畔輪舟燄燦明紅夷此日佐雄征劉淵亂晉防宜

豫回紇勤唐事匪輕憑仗子房工畫策莫教馬謖誤

論兵盼他麋鹿姑蘇路三箭天山願早成

兩省相望總刼灰人家一片盡榛萊田疇無主誰爲

種院宅有花空自開悲憤劇思鳴寶劍達觀且合上

層臺天涯牢落飄零慣曾記年時渡海來

立夏日孝拱招同梅屋蓉閣湯衣谷看牡丹

憶昔西湖全盛日園亭處處名花植玉榭雕欄半出
雲嘹唳歌喉聽無極春光三月豔陽天羅綺紛披共
鬥妍樹下競迴雲碧袖花前爭控玉絲鞭自從前歲
黃巾至一一芳華皆播棄多少樓臺化路塵欲訪嬌
紅已無地去冬况復劫重臨吹散花魂何處尋草木
有知應亦淚數來池館總傷心今年滬上聊容與桃
花李花早先覩一病旬餘未出門夢想雲裳在何所

友石齋詩三集

卷一

八

清晨起坐逢嘉招寸心已逐天香飄瞥眼楊妃呈妙
態驚看飛燕逞嬌嬈檀心錦萼初含露魏紫姚黃列
無數臉襯胭脂睡正酣腮迴膩粉如相顧主人當花
開金樽花光入酒酒自溫千片紅霞臨席照一羣玉
珮向風翻酒如泉湧傳觴速鼓聲淵淵振屋角簪花
且共學堯夫頭上花紅酒痕綠坐中賓主皆無家祇
因避亂來天涯不圖今日有此樂爛醉忘卻歸途遐
况復今辰值令節櫻筍登盤最芳潔一朶花宜飲一
杯對花何忍輕言別壁間羅帶曾題詩

謂蓉閣

邀我茲

辰同賦詞我擬折花抱花臥夜夢或到西湖湄

峴首訪碑圖爲楊利叔象濟孝廉題利叔游襄陽登峴山

葦羊公祠
因繪此圖

人生不患時代往來成變更但須千載垂令名羊公
雅量冠今古至今衆淚碑前傾金環曾記前生事委
質事人非易易太原郭氏先識之此是顏回王佐器
輕裘緩帶眞儒風鈴閣待衛何從容饋藥與敵敵不
慮恩信漬人如酒濃上疏早定平吳策元凱阿童皆
所擇江漢歸心已有年一舉成功謀在昔山高高兮
友石齋詩三集卷一
九

水深深昔公于此頻登臨自言魂魄常繫戀興歎別
有超然襟邦人感戴淡肌髓歲時環拜勤禋祀戶曹
改喚作辭曹更勝山公習池美楊君好古耽清遊風
調頗似前賢儔葦祠聊寓景行意訪碑仰止爲停留
羊公身逝名不泯盛德與山高可準何時鼓柁向襄
陽擬採溪毛薦虛寢

雋生招同曹葛民也是園觀荷復至一粟庵小

憇

滬上少竹石亭榭亦罕遇芙蕖更稀植美人徒遙慕

小阮招我遊云有境堪赴喬家園最佳草徑同緩步
入門果與曠紅欄半疑露飛橋跨長空旁折極幽趣
芳池窈以清有唾不敢吐灼灼紅衣明田田翠蓋護
風來時偏反微香靜中度如臨濯錦江疑入浣紗路
映日色逾鮮出波顏獨嫖吳姬比應羞越女看先如
留連不忍歸臨去復回顧惜無蕩漿舟泊向花間住
鐘魚出林杪一庵洵幽獨城市得山林身疑入澗谷
門圍枳棘籬樹老頭已禿殿古繞香煙梵唄聲相續
水閣來清風四面波影綠田疇如畫枰浪紋如織縠
紅日不到處白鳥時自浴坐久覺涼多蕉扇不須握
物我可兩忘寂然心自足何日借繩床桑下來三宿

擔花圖爲鄒蓉閣題

天人端妙姿種本瑤臺美罽風偶焉值吹墮紅塵裏
世人不解賞凡卉等閒視詎知眞香存狼藉不能毀
繡毬罽粟非正色蝶鬧蜂狂傾一國惟有梅蘭品最
殊委棄終朝甘閒寂街頭擔去無人窺芳顏只有天
公知眼前零落不足道馨香報汝千秋期

絕代容顏好旁觀未識妍篋中明鏡在自照勝人憐

蘇山景園小飲雋生有詩賦此以答時同集者王
蓬萊弱水易清淺滄海桑田互旋轉泰西入國曾幾
時遂使申江變華變剷平墳墓任鬼悲開拓廣衢供
馬踐空中樓閣現金銀徹夜笙歌弄弦管詎知孤客
正含愁旅館枕邊眉不展今辰佳侶快聚首同向高
樓凭欄檻玻璃五色嵌窗明器缶晶熒耀人眼有如
宋代洛中遊燈火樊樓堪繾綣書生縱論不嫌狂羈
士鄉心總難遣君詩半陳危苦詞令我讀之淚欲泣
友石齋詩三集 卷一 十一
我今作達任天付勁節相期同歲晚

輓鍾篠溪兵部

憶昔湖樓把酒卮漫空風雪撚吟髭談兵不落孫吳
後講學眞堪馬鄭追忠配疊山甘絕粒死如趙鼎自
騎箕更欣令嗣魁天下贏得才名四海知

謂兩辰殿撰

答王小鐵孝廉

並

兼贈雲坡文學硯香孝廉

籍甚王公子論交已十年文名羣季竝畫筆一人鮮
雅度眞溫若危時共泫然申江此相遇顧影尙翩翩
祖德猶堪述

謂令曾祖
夢樓先生

清標天下聞詩宗唐代體書

入晉賢羣妙墨千金值遺編百世芬科名况煊赫繼起卜諸君

賤子無聊極衰頹感慨多填胸增塊磊入夢總巖阿世值艱虞侯人徒鬱勃歌客中如不飲其奈旅愁何

立秋後一日同人集倪氏園分韻得八才二字

大火將西流炎官威未歇暮收昨夕至井梧葉落一盞簪得斯地發興頓超忽四面竹圍環亂石隱岬岬老樹三四株參天勢挺拔風來時動搖爽籟奏笙瑟入坐各忘言真趣自洋溢須臾餽饌陳列簋不僅八

友石齋詩三集

卷一

七

談鋒競馳騁廣長舌莫竭鈴閣靜無聲園在貳尹衙齋側渾

疑在巖樾

詩人一時集皆具英妙才詞壇老斲輪錢丈秋峴筆健潮

爲開鄒君本詩豪蓉閣百酌傾金壘鍾侯侍

帝側兩辰奏賦獨占魁二王翰苑器小鐵硯行將赴燕臺

李公倍卓犖芴洲駿骨眞龍媒俱因患難後同聚申江

隈敲詩鉢共擊琢句霞成堆朋歡固足樂鄉思有餘

哀之江在何處迴望各心摧

雋生姪小影王海門貳尹由杭攜至滬上雋生

自賦一詩并徵同人作因占二律卽送北上
百物都從兵燹休羨君小影獨能留直疑圓魄前生
現可抵神僊世外遊我相叅空因不壞化人超劫共
無憂當年此畫知誰筆定是通靈顧虎頭

難得瑯琊賢贊尹特攜此軸走煙塵本欣人在干戈

去歲破杭城外時君在滬上

轉似身將兵火親邱壑漫勞商位置

蓬瀛期更寫精神孝廉船向津門發話別圖成淚灑

中

吳冠雲都轉招集牧龍道院延秋小築

友石齋詩三集

卷一

三

延陵公子人中傑作字論詩俱莫匹
竭來招我琳館遊戶牖玲瓏燦旋室羽流當堦類鶴矯丹光啟鑪若
霞出旁開小屋更清幽宛似魚舟葉浮一流水盈盈
碧繞門疎風冷冷爽入骨短垣一帶橫當山野槿數
株尖肖筆蓼花紅紫紛可愛惜少蘆花映斜日羣公
先後至已齊疑是真靈會雲窟共咽三危玉露漿如
登十二瓊瑤闕酒罷重披第一圖

是日觀王君小鐵所繪第一次雅集

圖滿目秋光最高潔

秋興八首

社中以此命題余拈得明淵二字因作如少陵之數而以二字押于起結二首中

滬上波濤動地橫秋高露下客心驚籬邊黃菊迎風綻檻外紅旗映日明戈甲已消安石嶺

鄞縣地名

烽烟又

起庫公營故人天末遙相憶尺幅書來雁有情

龍蟠虎踞帝王都劇賊翻思啟霸圖聞說攻城盡貔豹何時破險縛狼羆雲連北固千山黨浪打西風兩岸蘆周室中興賴方召霜辰可得奏功無

憶昨津門擁萬艘一時將帥乏龍韜

先皇遠涉關山路臣子難辭犬馬勞几寫元公勤獨

友石齋詩三集

卷一

四

任垂簾

文母政親操昇平有象遐方悅爭看秋來意氣豪

隴山突兀勢峻嶒渭水東流爽氣激回紇忽傳秋牧馬將軍定合猛揚鷹飛而食肉思班相慎以行兵歎趙能賴有廟謨工鎮定玉關天險總堪憑

海畔鼉鼉吼夕陰盲風怪雨故相侵閩疆已駭澎湖

漲粵嶺頻傳翠羽沉白浪萬家聞鬼哭紅兵百艦覆

江深蒼茫天意眞難會楓樹林邊且醉吟

姑蘇臺上冷烟螺花草干今怨綺羅美女皆爲羅剎

偶吳兒眞是木腸多飛來黑劫燐無燄落盡紅蓮浪
不波遙識太湖三萬頃水聲哀慟接嘉禾
樓閣家園委地皆不堪回首聖湖涯寒山高塚無完
木夜月殘隄有斷釵三竺鐘魚歸闌寂六橋雲水總
烟霾臨風多少思鄉淚拍案狂呼鬱此懷

去歲迎秋登越嶂今年落葉在吳天未除妖鳥羅平
種且結春申采邑緣開土繙經消浩劫將軍挽日出
虞淵凱還滅盡潢池盜衰柳枝邊望眼懸

蓼花

眼秋字

友石齋詩三集

卷一

七

西風爽氣正颼颼紫蓼臨江獨占秋淺絳向人舒巧
笑深朱倒影艷中流輝娟態有沙鷗見搖曳光隨宿
鷺浮翠芷浸波同蕩漾丹楓映日共綢繆洛神髣髴
垂釵耀漢女依稀解珮留騷客踏霜時覓句篙師倚
岸或維舟開花隨處羣相賞食苦年來我亦愁客采
芳蘅思結伴木如萋楚本無憂宜陪蓉蕊添紅色儘
讓蘆枝早白頭上相游龍曾作杖合教廣植向汀洲

新新樓同錢秋峴太守鍾兩辰殿撰姚鳳泉太
史鄒蓉閣貳尹王小鐵中翰硯香孝廉集飲

作

客居不樂罹百憂放懷走上郊北之高樓羣公惠然
不我棄鸞翔鳳翥咸來遊金鰲仙人莫敵翰苑詞
流句如壁兩雄已足冠騷壇况有湘靈老詩客梁園
賦手羣相推二難競秀皆奇才熊熊光氣一樓聚坐
覺天宇淨掃無氛埃有如李杜遨遊登吹臺占斷萬
古傑筆高崔嵬乾坤流血尙未息使非狂吟爛醉胸
次何由開笑談咳吐皆瓊瑰旁人驚倒時疑猜藏鈎
射覆興無極惜哉夕陽欲落如相催暮雲影裏下樓

友石齋詩二集

卷一

六

去鄰垣已有簫聲來

樓側爲北里所聚

黃浦弔春申君

七雄割據世傾側大盜紛紛竊人國竟將衽席作戈
矛芊姓宗祧不血食當年入秦數載留頗有忠悃陳
良籌太子出關幸無恙此功原足昭千秋歸來上客
躡珠履意氣逼人無與比聲名共說四君齊城郭恢
張宮室侈李園邪說一朝引攘奪陰行仗紅粉化家
爲國心自欣豈識家隨身共盡朱英之言見最明禍
福倚伏常相因嗟爾庸才不解聽坐令失此毋望人

棘門之外血灑面魂返江濱淚如線秦邦亦有呂不
韋與爾同時堪合傳

水蜜桃歌

瑤池仙種非凡核三千年來始成實一朝擲下申江
濱壓倒林檎與崖蜜我來黃浦已一年今歲六月眞
嘗鮮登盤絕勝度索種探奇如上緩山巔冰漿清澈
涼沁齒顏色赤如雙頰美青痕繞蒂騰異香紅印天
生入肌理桃上有天生紅圈如筆管大蜂房所釀無此甘坡仙蜜
酒堪同參汲洗不須玉井水芬芳詎數洞庭柑華林

友石齋詩三集

卷一

七

侯白無茲味綺葉金城亦其次吞處眞疑玉露醇咽
來尙覺醍醐膩天生尤物給孤園桃以一古寺所產者爲眞似較

尋常果品尊地僻祇能傳海國價高直欲等璵璠年
來烽火連江急武陵源向何方覓碧實宜隨尹喜餐

仙踪好訪雲臺識

友石齋詩三集卷二

仁和 高錫恩 古民

壬戌九月至丙寅

送小鐵硯香由海道入都

亂餘朋友惜分離
况復騷壇共鼓旗
竝世文章推澹
洽一家情景又郊祁

時二君將應禮闈試

舟浮大海濶千疊地

近金門路九逵轉
眼上林春色好宮袍
新着聽黃鸝

湘江圖爲施湘江題

湘山高接天際青
湘江搖碧清且澄
九疑聯綿望不

友石齋詩三集

卷二

一

極洞庭木葉秋來零
滿江流水沄沄綠
山鬼啼烟傍
修竹中有離騷一片心
萬古文章出歌哭
君今鼓棹
思往游攜琴童子共
此舟琅玕億个繞船檻
雁鴛幾
羣眠荻洲澧蘭沉
芷紛無數篷背時
聞滴清露
堯女
祠邊日影斜
賈生宅畔雲光暮
畫師摹寫憑遐想
我
勸君宜決然往
衡嶽歸來再臥游
動操應知衆山響

九日偕何梅屋凌竹泉

志珪

登高分得高字

有地何必蓮峯遭
有酒休讓杜牧豪
茫茫海國此避
地忽逢令節來
登高素心只許三人共
衰鬢俱已成

二毛江光盪宵一萬頃海舶接趨浮千艘縱懷上世
萬萬古此江至禹始定無乃勞春申霸迹已在後至
今遺宅成蓬蒿華亭鶴唳遠莫聽但見霜隼盤寒臯
昔賢峯泖寓不少皆如逝水流滔滔吾儕何爲心鬱
陶亟須解卻牢愁牢烽火連天任斯世一石且合傾
醇醪亂離此身幸無恙眼底斷不驚波濤黃花傍林
笑迎客紫萸插帽宜持螯唱酬喜得成老伴

余三人年皆相

若因共戲稱爲三老

興酣握筆同題

又次竹泉韻

友石齋詩三集

卷二

二

高臺平曠約同登聯袂來遊第一層客裏光陰逢落
木靜中與會賴佳朋亂離擇寓渾難定感慨憂時憶

昔曾

余曾有防寇十策呈大府不果用

如此芳辰忍辜負且憑烏帽

向空凌

匣內干將氣上騰讀君妙句古賢凌江邊輪艦高于
屋天際雲衣白似僧衆象有時歸北極故鄉何日返
西興烽烟淨洗南方毒麟閣誰人仰首登

題邦上寫真畫師陶筱峯行腳圖

妙手傳神阿堵中珊珊仙女御天風平生遊屐幾千

里寸管持來造物同

偶向虛空現佛身龍華會上記前因莫嫌蓬轉無根

蒂烽火能離劫後塵

五十三叅智慧深收來筆底費沉吟天涯生面開無

數處處香騰薈蔔林

我亦年來苦亂離萍飄梗泛少還期紅橋明歲如相

見乞畫看山被酒時

予擬明春游揚州

題凌竹泉瑣尾廬詩草

一集綜唐宋千秋此正聲雄超劍南上奇與杜陵爭

友石齋詩三集

卷二

三

入筆山川壯長吟風雨生騷壇推健將卓絕冠羣英

和我秋來句

余賦秋興八首君亦和作

篇成字字珠大江流涕淚

涼思散菰蒲故國兵猶滿天涯類未孤欵冬如結社

君與何君梅屋約余共結欵冬社

相祝靖萑苻

夷園觀菊偕竹泉

麗英雲布燦成行五色紛披總傲霜處士有誰同令

躡幽人不礙適殊方亂來枉說年能益采得眞教袖

亦香滿目侏儻無可語秋心獨抱向斜陽

竹泉見和前詩復作二首因次其韻

霜葩映徹九秋霞此日霏香傍水涯路豈背明新境
說文菊名日精背明國尚此名夢拋左女舊才華
余昔有咏菊詩杭城閨秀皆有和章避

兵空學長房術覓徑全非粟里家絕似乘桴高士意
天將晚節托茲花

露蕊爭看瘦有神迎風開向海之濱芬芳詎憚夷居
陋隱逸原爲世外人冷淡何妨交異族靈和自克保
天真幾叢滿貯思鄉感且折寒英插角巾

翌日偕何梅屋吳益亭潛珉復往觀仍用前韻

繞砌依然舊列行那堪一夜降嚴霜昨夜霜甚濃花色稍憔悴騷

友石齋詩三集卷二

四

人避地猶含怨僊客離塵自有方雙鬢早隨秋氣老
羣花總讓晚英香偕來各抱夔州淚金碧參差炫夕
陽夷屋皆極絢爛

鷓鴣錦舫小飲作九言一首偕梅屋益亭

人生不乘張騫貫月槎只合西湖湖畔常爲家扁舟

拍拍朝夕劇快意文鴛似錦戲水當窗紗何圖烽煙

陡逼艇難泊卻來海國夷艦看杙枒此屋似舫卽以

舫爲額筆床茶竈位置無欹斜酒樓雖多孰若此舫

好雖有笙簫遠奏非喧嘩吾儕萍踪會合有天意共

思今古人事恒舛差清言霏玉不許塵土聽談詩數
典口角同生花季重多才下筆無不妙水部健將僻
興耽幽遐故人一別五載不相見謂益亭令兄閻莊尚在患
難羈滯堪嗟呀醉中茫茫只覺天宇隘奇氣出屋直
上誰能遮金陵越郡軍威聞大振笑看江浙指日除
井蛙

姑蘇蔣芥青過訪并以行看子屬題漫成二律

有客飄然至青年擅雋才新詩燦文藻故國動悲哀

花草鄉園盡山川異地恢時君眷屬寄寓崇川片帆來滬上相

友石齋詩三集

卷二

五

遇快徘徊

落筆墨君妙長吟秀句工姿神叔寶似風度景文同

錦繡胸羅富圭璋器早礪他年登侍從寫照更應雄

梅屋招集新新樓

同上高樓試倚欄僊風縹緲下雲端天因釀雪先飛

兩人爲憂時倍耐寒鷺嶺燕磯欣接袂時同集者皆梅翁與余之

鄉友酒龍詩虎共登壇相看鷗寄俱漂泊且拂珊瑚把

釣竿

余與姚梅伯孝廉別有年矣喪亂之餘相見滬

上并讀大箸全集因漫作狂歌奉贈

天何爲兮星斗垂文人彩燄與光輝地何爲兮山川
奇文人健筆相撐持文人本與造化準奇情變態風
雲草木都向毫端揮古往今來才士已不少祇今惟
有姚君克駕雲中螭箸述等身軀千秋信在斯日月
供驅使華嶽爲奔馳文得六朝髓詩與二李齊詞兼
南北宋畫接華光師縱橫字內九萬里此才此客孰
得而攀追不圖大梅山乃與西蜀眉山同傑魁海內
才人學人頰首欲至地讀其集者罔不極口交相推

友石齋詩三集

卷二

六

我交於君三十載湖濱每每叨肩隨君才瀕洞不可
極望洋而歎難全窺黑風忽來遭震蕩錢江人士多
流離瞥然黃浦此邂逅狂喜已定還生悲相看顏面
各衰老故鄉糜爛堪嗟其示我全集高數尺使我讀
之膽破舌撻神若癡盤古開天六萬歲乃有此作超
前軼後非常蹊色若衡山頂上之苔蘚重若姒王宗
廟之鼎彝時花亦間發美女逞妍姿赤文綠字往往
類眞誥神驚鬼泣環視無端倪此才有數不世出眞
可踢翻鸚鵡搥碎黃鶴稱雄恢義山有語宜記取誦

萬遍兮右手甘成脍

立春前三日麗水臺茗話偕益亭

四面空明敞碧琉璃世界畫難如縱驚序逝殘冬
裏已見春迴大地初欲訪寒梅遲信息且斟佳茗瀹
靈虛故鄉何日舟堪返留滯申江痛有餘

人日偕益亭過梅屋竹泉所寓雙紅芙蓉館觀

梅

鏤金傳自荆剪絲起于晉是日最宜晴普天同有慶
今歲氣象佳旭日麗紅鏡或者劫數消災氛早退聽

友石齋詩二集

卷二

七

晨起偕我友攜筇共追趁遂過二老寓幽爽悅心性
草芽漸欲茁池水深且淨綠萼八九株繞欄鬪粧靚
紛開千玉蝶如雪聚成陣冰姿煙淡含瘦骨鶴相映
花繁品益清枝古格倍峻有如天外仙不博塵世瞬
索笑簷合巡寄遠枝孰贈且啖七種羹飽德誌斯飲

夷閨詞

琥珀濃斟綠綺窗玻璃爲盞玉爲缸生平愛學鴛鴦
樣緩步行來總是雙

絳帕蒙頭繡帶飄有時戴笠勝雲翹月華裳幅新裁

得疑是嫦娥下九霄

綠楊陰裏足徘徊金碧樓臺絕點埃寄語儂家赫士

勃

夷婦稱夫曰赫士勃

明朝新馬試騎來

香車高駕類騰空雨驟雲馳電影同伉儷雙攜手

坐勝他仙女御天風

侵晨盥沐共焚香額手今朝禮拜忙自有耶蘇來錫

福暗中祈禱總因郎

兩耳金牌映臉霞不施脂粉自妍華島夷也有傾城

色唐代休將虢國誇

友石齋詩三集

卷二

八

偶然小語立牆西馬路游歸伴共攜好似鶯聲聞噤

噤牡丹花外試新啼

纖指標來手記新

夷俗定婦必婿親以戒指插女之指

度埋而立及時

春

夷人呼娶親爲度埋而立

兒家學得中華語仍是中華以外人

古花朝借梅屋竹泉酒樓小飲分得同字

吳淞水暖波融融萬花含笑搖春風唐宮撲蝶記此

日隰柳萋綠園桃紅今春候早杏已謝海棠欲放江

橋東吾儕爛熳有真意佳日歡賞性所同論古挾摘

吏斷獄看花跳盪心猶童况聞豺狼淨於越若耶草

色青茸茸干戈指日靖江浙坐見薄海銷兵戎那不
縱酒學杜老子路百榼堯千鍾光陰已近禁烟節簫
聲動處錫香濃

遲二日
卽寒食

清明日益亭招集以石泉槐火一時新七字分

韻余得泉字

紫桐昨已放柳絮將吹繇鑽檀出新火烹茶酌新泉
看人上冢回郭外多遊船可憐坐中客未返故鄉天
滴酒不到塚何處焚紙錢墓穴竄狐兔思之淚欲漣
差欣好語來賊退西湖邊官軍奮武勇所賴統領賢

友石齋詩三集

卷二

九

惟期迅掃蕩先令兩浙全會平江南寇大帥謀深淵
謂曾帥故山俱得歸丙舍同留連

座中何凌兩君籍金陵沈君肖梅朱君笙

咳梅屏
皆浙人

江山勝覽圖戴用伯 以恒 廣文囑題

戴文節公及弟鄂士明經各有所繪江山勝

覽便面贈魏君稼孫咸豐辛酉之變稼孫攜

赴閩同治壬戌稼孫以歸文節次子進卿囑

存諸敕建特祠中爲戴氏世寶鄂翁長子用

伯因仿文節公及其先人筆意寫成此卷

用伯

自題云仿先伯南山論茗
先君文與可兩卷畫法

人生大節不可渝筆墨貴與忠義俱兩公毅魄照天

地况精六法倪黃如南齋畫史文節自號眞淵雅 天語

頻褻幅頻寫粵東視學遂歸來放眼南山更瀟灑安

敦園主常掩關著書不出藏名山閒來細做湖州蹟

縹緲煙雲異等閒二難競爽雙峯峙品望圭璋重鄉

里西湖講席訓諸生文節主講崇文捷法新書動夷鬼英夷出重

價購鄂翁所著弧矢捷法干戈忽起飛劫灰黑風吹城城遽頽兩

公含笑視池水白雲堆裏同徘徊文節臨終有撒手白雲堆裏去之句

友石齋詩三集 卷二

十

朝廷特敕專祠建獎勵忠魂爲世勸可惜家藏十萬

書盡付塵沙喪文獻鶴山高義洵足賢鄂翁哲嗣尤

可傳憑空想像妙摹寫能兼兩美精神全我披此圖

多所感不獨邱壑填胸羨君善子孝臣忠萃一門墨

寶千秋眞勝覽

題溫次言明經汝超以寫我憂集

孤憤填胷劇可悲此身不異履冰危筆能罵賊還兼

口文夙名家况有詩得句雞壇芳共播聯吟虎穴氣

增奇卻憐趙壹今凋落毅魄重泉最繫思趙竹生方伯被賊羈

留不居君頻與唱
和今方伯已殉難

次言有詩見贈卽次其韻

難後快相見論心憶昔曾推窗看怪石話雨閃秋燈
珠劍光騰躍雲霞氣鬱蒸羨君文筆美早卜 大廷
徵

不道烽烟逼湖乾兆竟真

道光庚戌西湖幾涸論者
謂十年後杭城必有凶

思家悲欲絕

君全家
殉難

獲友喜從新

君難中與趙竹
生方伯交最摯困

頓存眞氣艱危鍊此身生還重握手各有涕盈巾

筓溪玩月

友石齋詩三集

卷二

七

溪以筓名溪亦微偶來作客暫相依清波環草碧兩
岸好月當天白四圍雲影散隨飛鳥盡燈光遙入密
林稀水邊不敢驚鷗鷺一帶人家半掩扉

次言見和前詩因復次韻

天半銀河影尙微月輪圓向屋梁依覓涼快似魚就
水使筆健如鷹獵圍好景深嗟君未共冷懷近覺世
常稀鐘聲一杵來鄰寺清夢中宵越短扉

暑夜復用前韻

宵深遙聽漏聲微自起凭欄得所依庭際草長疑虺

伏垣邊樹老有鴉圍漸看月轉星隨動未到秋來露

尚稀卻憶西溪數椽屋更無人管白雲扉

余舊有屋數間在西

溪今不知
尚存否

苦熱復次前韻

暑氣蟲蟲風力微更無涼室可攀依恍疑赤坂將身
入如破燕軍用火圍大造張威爐扇急長空卓午鳥
飛稀劇思萬竹迴環處深碧陰中半啟扉

次言用前韻預作平粵匪詩真頌禱之善者余

亦和作

友石齋詩三集

卷二

七

燦燦祥光耀紫微鈞陳整肅輔車依雄兵虎豹雲排
陣上相旌旂鐵作圍白水真人承緒治黑山餘賊漏
誅稀

廟中獻馘歸來晚

天子還臨丹鳳扉

喜雨次次言韻

不用焚巫辟旱災龍公噓氣火雲開三農慰望秋堪
實萬樹含漿潤入葦大海波瀾添絕島空山雷雨孕
奇才快心豈獨消炎暑早見祆氛盪滌來

中秋作

前年看月在會稽若耶溪水明玻璃去年看月在黃
浦半夜簫聲荅柔艣今年看月來甬東江水浩浩流
無窮三年三地各異境清光一樣騰寒空清光雖皎
皎兵氣猶未了故鄉尚有虎蛇屯明月在天亦應惱
夜已深露盈襟且將好景銷愁思起折幽蘭自鼓琴

視大兒炳麟疾

焔焔殘釭照壁茨病魔十載未能治遲經世困身先

困兒病在賊未至之前共道才奇疾倍奇胸有千秋供獨斷目

友石齋詩三集卷二

十三

無四海薄趨時而今萬念全拋卻瘦骨支離枕畔歎

穀日孫氏昆季兩茂才招飲小津客琴

春來已十日去臘二十七日立春楊柳一時新况值芳辰麗羣

賢共岸巾亂離嗟坎坷老大慙風塵俯仰悲歌裏蟬

游寄此身

西還作

昨夜威弧明今晨捷書至太乙光炯炯狼豕盡逃避
寸心喜欲顛急作還鄉計五更卽買舟迅趁長潮勢
沿途帆不停戰處望猶悻翌日渡娥江小雨忽而霽

梟巢未全毀指點說蕭寺

粵逆改藥王廟爲偽殿

居人有歡聲

行客減愁思行行到西興待渡聚沙次舟少人苦多

匆遽亂流濟登岸望城郭重厯似前世長濠掘縱橫

廢壘敞不閉我軍氣飛揚紅旗遠遙曳桓桓方伯蔣

一鼓作兵氣首先破彼陣登城類平地鼠子詎敢抗

羣賊乃大潰安民亟出示禁暴除奸昧只憐戶蕭條

百存無一二我行速入城縱觀欲墮淚大屋作薪焚

小屋作寨蔽冷巷悄無人敗垣立空際一徑趨家門

荆棘密蒙翳入門屋尙存樓瓦已半墜西齋尙無恙

友石齋詩三集

卷二

古

南榮已頽敞餘屋作馬廐積草滿階砌左隣廬蕩如
右隣骨未瘞間有相識來道苦各流涕湖州猶未復
寶劍尙須厲宜教亟掃除從此樂安歲

皇甌永永固羣黎蒙

福庇

北山狐

北山有狐首帶鬪體向窟而嘍欲食人兮無由

解一南

山有虎威薄林樾踞坐空山羣黎震懼

解二狐假厥威

張口磨牙血人於齒殺人如麻

解三

虎竟罔知惟狐是

從虎威所到皆有狐蹤四解嗟爾虎兮愛狐媚而受狐
愚兮咄爾狐兮終咋犬之難逋兮五解

喜聞官軍克復金陵

朝吟老杜洗兵馬聲摧林木震屋瓦夕聞官軍破賊
巢喜氣直接層雲高封狼盤踞十三載犯順逆天甘
作醢三江黎庶歎予遺罄竹難書貫盈罪百神歡忭
迎王師農民歌舞遍海涯從今定可偃戈甲將士
不復勞奔馳熊熊旭日輝騰赤萬馬飲江江尚窄永
清四海億萬年耿鄧勲名垂竹帛

友石齋詩三集

卷二

五

金陵凱歌

朝來吉象布氤氳獵獵旌旗煥綵雲戾氣已銷狼豕
窟祥光長繞虎羆軍

上相深謀氣不驕頻年諸葛運籌超弟兄許國成功
大迴幹乾坤佐聖朝

特開地穴近蛟宮刀戟林中奮力攻蟻賊紛紛無可
竄三更羸得火光紅

煌煌天語下朝端侯伯榮封更翠冠尙有李蕭雙

勇將一齊北向拜恩寬時進爵曾帥一等侯曾國
荃一等伯李臣典一等子

蕭孚泗
一等男

繫將僞帥受天誅從此江南不復虞包戢干戈無所用
兒童拍手樂康衢

薛慰農太守

時雨

招飲時同集者鍾雨辰殿撰

張少蘆部郎李芍洲武部姚子祥比部

今代眞名手羣推大作家鄉閭傳政績文苑擅才華
吏治超前古雄辭邁永嘉湖濱賢太守蘇白合同誇
自經離亂後井邑半成荒比戶居人少顏垣夕照涼
所期仁澤播得使庶民康從此之江畔長留召伯棠

友石齋詩三集

卷二

六

得預西園宴情叨雅意深斗山欽重望冰玉表清心
客類德星聚人歌來暮吟騷壇有公主快絕此朋簪

送雨辰殿撰還朝

正是楓丹相白天快從驛路着吟鞭歸朝應轉黃

鐘律

君到京約長至前後

簪筆仍依

玉案前大地劫消迴景

運瀧岡表就記新阡

君以葬事請假歸里

文昌星象光輝甚共

見奎垣宿朗懸

題譚仲脩復堂詩集

伊耆蜡饗興風謠卿雲八百賡簫韶大禹玉牒樹厥

榦後來三百皆枝條君心竟欲返邃古鴻濛元氣筆
底包上追夏商同渾噩下揖漢魏如朋曹歌行間亦
取李杜餘者自鄒亡譏褒極南極北遍酬唱襟懷浩
浩神超超看君才力真富有能搏生虎騎長蛟文章
大雅久不作待君一手回春杓會看作賦向
殿陛明良喜起追虞朝

贈沈念農少司成

儒林重望共心傾此日家居結鷺盟卅載名元驚海

內

君乙未解元後又得館元

六堂講學化諸生筆鋒青帶恒山色

友石齋詩三集

卷二

七

劫火紅消豨嶺營更喜故鄉兵革息笑着四野動春
耕

嶽嶽聲名未易攀溫溫雅度更蕭閒搜羅節義扶人

紀

君時領採訪局

評隲詩文起廢癘梓里亂來時動慨鶴原

念到有餘潛

也魯學正果臺太史

定知北極心常戀花外蒲

輪早晚頌

上元前一日葛民招集觀梅

老樹空庭靜不譁試燈風裏看梅花難平重得安居
樂香冷原宜瘦幹斜座客酣飛銀鑿落雪枝勁鬪玉

了又談經快聽疏新義君遠於經學座客亦多談經者况對階前萼
綠華

題楊利叔風雪孤雅圖

朔風夜吼振林木雪花似掌墜巖谷空林老鴉悲更
悲獨挈孤雛向天哭巢如累卵勢欲危風饕雪虐來
無時老鴉哺雛劇辛苦拮据卒瘁手口疲一朝養就
鸞鳳翼丹桂廳香凝彩筆會看更到鳳池頭鷓鴣文
章好華國門前綽楔來煌煌冬寒歷盡生春陽母德
眞堪播千古報劉心事詩中吐君有自題圖詩二十二首

友石齋詩三集

卷二

六

題王視香西湖歸櫂圖

自與西子別喪亂難得見美人窈窕粧無日不在念
豺狼肆湖濱梟獍踞邑縣綠水填淤泥黃鸝不復囀
遂使明媚姿塵土條蒙面天心克悔禍掃除罷傳箭
稍稍還舊觀尙未全婉變譬彼金屋嬌新蘇意猶困
須待洗濯功加倍發明艷君今京華歸繪圖深眷戀
一唱新譜詞波光增激灩

贈李香萃

武戶家瑞

卽送之嘉興

九峯三島裏美絕此驚才禪理靜中得江花筆底開

名應唐泰繼宦向浙西來預想鴛湖畔公餘快舉杯
鄒蓉閣春湖餞別圖卷子失而復得自題一詩

徵和因次韻

曾記前時祖帳開豪情各負揆天才故交先逝琴俱

絕

圖中逝者七人

舊卷重逢事倍哀戰骨尚看留草莽高樓

幸已關榛萊

時仰山樓已重建

多君健筆仍如昔聽笛還教

作賦來

重九日集詒經第一樓分得花字時同集者爲

張仲甫中翰曹葛民明經邵步梅刺史戴進

友石齋詩三集

卷二

九

卿廣文

亂後雙隄蔓草遮高樓喜見敝飛霞湖光非復青如

鏡山色依然綠映紗落木易增衰鬢感長征又動遠

人嗟

時西睡告警

何時盡息干戈擾擬向樽前問菊花

手捲疎簾看遠葭尙餘孤樹水邊斜談經依舊來多士

稽古端宜創一家故友淪亡驚白社照人旖旎有黃

花天風謾謾樓前急歸路城頭已集鴉

